

حقوقی بیکیں مجموعہ سی

آیدہ بر نشر اول نور

ویا خود امواله متعلق بولمیان دعوالر طرفین موافقت ایتسه لرده انحق صلاحیتدار اولان محکمه ده رؤیت اولنه بیلیر . بو احوالده طرفین ، محکمه نك حتی موقع اعتباریله اولان صلاحیتی بیله توسیع ایده مز لر . (ماده ۴۰)

§ نوشتاتل . اصول محاکمه لایحه مزده اساس اتخاذ ایدلمکده اولان ۷ نیشان ۱۹۲۵ تاریخلی نوشتاتل قانونی ۷نجی ماده سی موجبجه محکمه مصلح اعتباریله صلاحیتی رأساً نظر دفته آلمق مجبوریتنده اولدینی کی طرفین ده بوبابده کی اعتراضلرینی نهایت محاکمه قدر درمیان ایده بیلیر لر .

دیگر طرفدن ۶نجی ماده موجبجه طرفیندن بری ادعاسنك مقدارینی تنقیص ویا خود خصمنك بو بابده کی ادعاسنی قسماً قبول ایتسیله دعوا ، محکمه نك صلاحیتی خارجنده قالیرسه دعوا ردایدلیوب عائد اولدینی محکمه یه حواله اولونور . و محکمه بو کی دعوالر رؤیت مخصوص اولان شفاهی اصول محاکمه تطبیق ایدر .

قانونك ۱۶۸ نجی ماده سی موجبجه مدعی علیه طرفدن درمیان اولنان عدم صلاحیت اعتراضی قبول اولنورسه مدعی صلاحیتدار محکمه ده اصوله توفیقاً یکیدن دعوا اقامه ایتک مجبوریتنده در . شو قادار که عدم صلاحیت قرارینك تبیلینی تاریخندن اعتباراً اون کون طرفنده یکیدن صلاحیتدار محکمه ده دعوا اقامه اولنورسه ایلک اقامه اولسان دعوا ایله اکتساب اولنان حقوق محفوظدر .

مصطفی رشید

حقوق فاکولته سی مدرسلرندن

JURISPRUDENCE

اجتهادات محاکمه

مدعیه و . خانم - مدعی علیه ع . افندی

خلاصه : زوجی حربیه کیدرک اوراده غائب اولدینی تحقق ایتسه مبنی زوجه طرفندن کرک زوجنك غایبلیکنه و کرک اولیلکک فسخنه حکم ایدلسی حقنده درمیان ایدیلن طلب موافق قانوندر .

مدعیه نك قوجاسی ۳۳۰ سنه سی حربیه اشتراك ایتک اوزره عسکراولش و اوتاریخندن بری کندیسنندن خبر الهمامش ایدی . مدعیه قوجاسنك غائب بولمسنه مبنی فسخ نکاح قراری

ایسته مشدر . استانبول یدنجی حقوق محکمه سی (۶ تشرین اول ۱۹۲۶) تاریخی وقت غزته سنده انتشار ایدن بوجه آتی قراری اتخاذ ایتشدر :

« اولوم تهلکسی ایچنده غائب اولان ویا چوقدنبری کنديسندن خبر الینامایان بر کیمسه نك اولومی پك محتمل کورولورسه حقاری اولومه معلق کیمسه لرك طلبی اوزرینه حاکمک غائبکده قرار ویره بیله چکی تورک قانون مدینسک ۳۱ نجی ماده سنده مصرح اولماسنه و ۹۴ نجی ماده سنده دخی غائبک قاری ویا قوجاسی اولیلکک فسختی غائبک دعواسیله برلکده طلب ایده بیله چکی ده مصرح بولنسنه و ایکی دعواچی قاری قوجانک بینارنده اولجه اجرا قلنان عقد موجبجه قاری و قوجانک ماده قائم اولدینی ابراز ایدیلن نفوس قید رسمیسيله منحقق اولسنه ، دعواچینک قوجاسی اولان ع . افندینک ۳۳۰ سنه سی تموزینک ۲۱ نجی کونی کنديسی اولوم تهلکسی بولنان حربه سوق ایدیلرک اوراده غائب اولدینی ابراز ایدیلن اوراق رسمیه ایله تبین ایلمسنه و غائبکده اون ایکی سنه امتداد ایتدیکی خرقه شریف اخذ عسکر شعبه سندن مبرز قیود ایله آکلاشیلدیفنه بناء قانون مدینک تطبیق و صورت مرعیتی حقنده کی قانونک ۶ نجی ماده سی موجبجه ع . افندینک غائبکده و دعواچی و . خاتم ایله ارالرنده کی اولیلکک فسخته قرار ویرلدی .

*
*

قانون مدینک صورت مرعیت و شکل تطبیق حقنده کی قانونک ۶ نجی ماده سنک اوچنجی فقره سنه کوره غائبک قرارینی استحصال ایچون ، اولجه اقامه ایدلمش اولوبده ، حقنده قانون مدینک مرعیه وضعی کوننده حکم ویرلمش اولان دعوالر ، اراده کچن مدت لر محسوب ایدلمک شرطیه ، یکی قانونک تعیین ایتدیکی شکلره توفیقاً و مبدأندن اعتباراً یکیدن رؤیته باشلامقی لازمدر . انجق صوک فقره موجبجه بوتون علاقه دارلر طلب ایدرلرسه ، اسکی قانونک اصول و مدت لرینه توفیقاً دعوائک رؤیته دوام دخی جائزدر .

بناء علیه غائبک حقنده باشلایان بر دعوا ، علاقه دارلر متفق ایسه اسکی قانونه ، دکل ایسه یکی قانونه ، کوره رؤیت ایدلمک اقتضا ایددر .

تدقیق ایتدی کمز حاده ده بوتون علاقه دارلری متفق فرض ایده رسه ک اساسات جاریه ده معین مدت لر مرور ایتدجکه غائبکده حکم اولنه ماز ایدی . (غائبک طقسان یاشنی اکال ایتمش اولسی) . قراردن اکلا دیغمزه کوره علاقه دارلرک بو بابده اتفاقی بولنمادیغدن محکمه مسئله نی اساسات سابقه یه توفیق ایتیه رک قانون مدنی یه توفیقاً حل ایتشدر .

قانون مدینک ۹۴ نجی ماده سی موجبجه قاری ، غائبک سببیه اولیلکک فسختی

غائبك دعواسيله برابر ويا آريجه ايسته بيلير ايسهده شارح لرحه متفق عليه دركه غائبك
قراری ویرلهدن اول اوليلكك فسخی ايسته من .

(رشيدك . تورك قانون مدیسی ۹۴ ماده شرحی نومرو : ۱ ؛ كورتی اسويچره
۱۰۳ ماده شرحی نومرو ۵) .

غائبك ، بر كيمسه نك اولوم تهلكسه معروض بولنسی زماننده موجود اولماز .
بلكه او تاريخدن اعتباراً برسه مرورندن صوكرا محكمه دن غائبك قراری ايسته بيلير .
شوحالده غائبك اصول محاكمه توفيقاً دعوا رؤيت اوله رق عين قرار ايله هم غائبك
وهمده اوليلكك فسخته قرار ویرلك لازمدر .

۳۲ نجی ماده موجبجه حاكم غائبكي ادعا اولنان كيمسه نك ياشاديغندن ويا
اولديكندن خبردار اولان كيمسه لرك مراجعتی ويا كنديسك ميدانه چيقمسني تأمين
ايچون اعلان يالسی وماده نك صوك فقره نك دلالتی ايجابی وبواعلانك لااقل ايكي دفعه
تكراری لازمدر . (رشيدك قانون مدیسی شرحی نومرو : ۲) و برنجی اعلان تاريخدن
اعتباراً بر سه كچمه دكجهده حكم ویريله من .

او حالده بو قراردده شكل و اصول اعتباريله بر ذهول وار ظنده يم . زيرا غائبك
آنحقي اعلانندن صوكرا حكم ايديله بيلير ؛ بو حادنده محكمه اعلانه لزوم كورمه مشدر ؛
حقيقتده ، اكر وقت غزنه سنك نشر ايتديكي شكل دوغرو ايسه - مدعی عليهك
غائبلكنه دكل اولمش اولديغه حكم ايدلك لازم ایدی ؛ زيرا قانون مدنی نك ۳۰ نجی
واونی تأييد ايدن ۴۲ نجی ماده بر كيمسه نك اولومنه محقق نظريه باقق ايجاب ايدن احوال
ايچنده غائب اولان آدمك وفاته محقق كی باقيلير ؛ او حالده مدعی عليهك غائبلكنه دكل ،
وفات ايتمش اولديغه وبالنتيجه نكاحك فسخته قرار ویرلك لازم كليردی ؛ زيرا ۳۰ نجی
و ۴۲ نجی ماده لرك تطليقي جهتنده اعلانات يامق احتياجي يوقدر ؛ بناء عليه فقره حكيمه نك
صوكي « ع . افندي نك ۳۰ نجی و ۴۲ نجی ماده موجبجه اولومنه محقق نظريه باقق ايجاب
ايتديكندن مدعی ايله آرالرنده موجود اوليلكك فسخته قرار ویرلدى » صورتنده اولماسی
لازم كليردی ؛ حالبوكه محكمه ۳۱ نجی ماده يه استناد ايتديكندن غائبك نتيجه سنه واصل
اولدی ؛ فقط غائبك حكمنی ویرمك ايچون مطلقا اعلانات يامق لازم كليردی . بوقرارك
تميزينه ده امكان كورلمديكندن شكلاً واصولاً موجود ذهولك تصحيحی ده غيرممكندر .